

लईका मन बर बाईबिल
प्रस्तुत करत हवे।

धनी
मइनसे, गरीब
मइनसे



लिखे गए हवे। : Edward Hughes
उत्साह बढ़ै गए हवे। : M. Maillot; Lazarus
चयन करे गए हवे। : M. Maillot; Sarah S.
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org


BFC
PO Box 3
Winnipeg, MB R3C 2G1
Canada

©2015 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।




ईसु हा धारमिक अगुवा म ले कतका झन ला जानत रहिस जे भगवान ले जादा पइसा ला अड़बड़ परेम करत रहिन । ओहा ओमन ले दुठी मइनसे मन के हालात के बारे म बताईस कि भगवान ले जादा धन ले मया रखाए कतका बेकार है । स्वरग म भगवान के संग कर जीवन ला कोन्हो धनी बिसाए नई सकए ।




एक ठन धनी मइनसे रहिस
जेन अब्बड़ महिंगा अउ सुधघर
कुरथा पहिरथ रहिस। ओहा
एक ठी राजा कस ओनहा
पहिरत रहिस।



धनी मइनसे हा अब्बड़ बढिया जेवन खात रहिस । सब्बो दिन के जेवन हा एक ठी बड़खा जेवनार कस रहिस । ओमन करा अतकी पर्इसा रहिस कि ओला जब, जे चाहि, बिसा सकत रहिस, चाहि बिहाने के नासता, मंझन के अउ संझा के जेवन, या जुछा समय मे खाए के नासता ।



धनी मइनसे के घर के मुहटा म एकठन गरीबहा, बेमार, भूखन मरत
भिखमंगा रहत रहिस। ओखर नाव लाजर रहिस।





गरीबहा लाजर हा घाव म भरए रहिस,
हो सकत हे ओहा एकठी रोगहा
रहिस। हो सकत हे ओहा आन के देहे
चोट के करे चिनहा अउ धाव ले भरए
रहिस। साइद ओहा घाव म ऐखरेसेती
भरए रहिस काबर कि ओहा, गोरस,
साग-भाजी अउ मास कस
बढ़िया जेवन नई खाए
सकीस होही।



लाजर हा जेवन बर
छटपटात रहिस। ओहा
धनी मइनसे के भेज
मे गिरे जुठा के
टुकड़ा ले ही
खुस हो जात
रहिस।




लफंगा कुकुरमन कभो-कभो
गरीब असहाय भिखमंगा
ला रगड़त रहिस ।
ओमन ओकर
लकठा म सूँघए
अउ ओकर
घाव ल चाटत
रहिस इहां तक
कि कोन्हो घलाव
ओकर चेत नई करिन,
लेकिन लाजर भूख
ले मरत रहिस ।



एक ठी बिहाने,
ला जर नींद ले
उठे नई पाईस।
गरीब हा भूख
म मरगिस,
बिना संगवारी
के इ जीवन
ला छोड़ चुकए
रहिस। ला जर
मर गए
रहिस।



मरए के पाछु लाजर बर खुसी के बेरा
आईस । ईसु, स्वरगदुत मन ला आज्ञा दिस
कि ओला इबराहीम के संग होए बर ओला ले
जावा । भगवान हा लाजर ला धीरज दीस ।



अब धनी मइनसे घलाव मर गिस । तउने कर सब्बो पईसा हा ओखर
जान ला नई बचाए सकिस । जब मउत आथे त, कोन्हों घलो ऐला
रोकए नई सकए ।




धनी मइनसे के माटी देहे गईस। साइद ये हा एकठी बड़खा
किरिया करम रहिस। साइद मइनसे मन धनी मइनसे ला चतुर
अउ सफल होए बर परसंसा घलो करिन। लेकिन ओमन
के परसंसा घलाव ओकर मदद
नई करिस।




नरक म धनी मइनसे हा नरियाईस, "हे भगवान इबराहीम, लाजर ल भेज ताकि ओ पानी म अपन अंगठी के तीर ला पानी में डुबो के मोर जीब म रखए ताकि सांति होए सकए: काबर कि मय इ आगि म तरपत रहे हों।"



“इबराहीम धनी मइनसे ला सुरता देवाइस, धरती म के जीवन म तुहर करा सबो कुछु रहिस अउ ला जर करा कुछु पलो नई रहिस। अब ला जर ला सान्ति अउ तोला छटपटाना हे हमन दुनो के बीच म बड़खा खाई ला कोन्हो पार कर नई सकय।”



“धनी मइनसे हा बिनती करिस” मोर पाँच ठी
भईला चेताए बर लाजर ला भेज दे। “मय ह
ओला पीरा के जघा म छटपटान देना नई
चाहत।”




इबराहीम हा जुआब दिस, "तुहर भईमन
करा भगवान के बचन हावे" जदि ये पाँच भई
बाइबिल म बिसवास नई करए सकए त जदि,
लाजर मरोइया मन ले वापिस जाहि तहुले

घलाव, ये तउन म
बिसवास नई
करए ।



जब ईसु हा धनी मइनसे अउ लाजर के कथा ला सिराइस, तउन बेरा म धारमिक नेतामन साइद अपनेच ले पुछिन होही ।
“का मय हा भगवान ले बढके धन ल परेम करथव?”
अब ये जान दारे रहिन कि जदि भगवान के बचन कर पालन नई करबो त उकर हाल कइसन होही ।



धनी मइनसे, गरीब मइनसे

इ कथा हर भगवान के बचन के द्वारा एक ठी बाईबिल


पाए जाथे ।

लूका 16

"आप मन कर बानी हर एला अंजोर देथे ।"

भजन संहिता ११९ : १३०





समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

